

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA**



Gradski štab civilne zaštite

Broj:11-44-1/15
Tuzla, 27.01.2015. godine

SAOPŠTENJE ZA JAVNOST

Već duži vremenski period, praktično od katastrofalnih majskih padavina u 2014.godini i pojave poplava i velikog broja klizišta, iz Uprave Civilne zaštite Tuzlanskog kantona, svakodnevno idu saopštenja o kojima se građani više zastrašuju nego što se obavještavaju. Samo na osnovu prijava zastrašenih građana, bez ikakvih provjera o stvarnom stanju na terenu i ugroženosti građana i njihove imovine, gospoda iz Uprave Civilne zaštite Tuzlanskog kantona daju dezinformacije i time dodatno otežavaju rad stručnim ekipama na terenu u svakodnevnom praćenju klizišta i pomaganju ljudima. Svih ovih deset teških mjeseci za građane Tuzle i drugih opština Tuzlanskog kantona, veliki broj ekipa stručnjaka, radnika preduzeća, dobrovoljaca i odgovornih ljudi grada Tuzle je danonoćno, u svim vremenskim uslovima, pomagao svojim građanima i to će i dalje činiti koliko to mogućnosti dozvoljavaju. Ljudi zaposleni u Upravi Civilne zaštite Tuzlanskog kantona nisu viđeni na terenu, niti su učestvovali u svim ovim aktivnostima, pa ih molimo da svojim dezinformacijama bar ne otežavaju i onako složenu situaciju. Štab Civilne zaštite grada Tuzle je redovno izlazio u javnost sa provjerenim informacijama, ma kakve one bile, o stanju na području Grada i građanima putem medija te informacije su bile dostupne. Ovaj put iskazujemo nesebičnu zahvalnost građanima na strpljenju i saradnji sa zvaničnim organima grada Tuzle u rešavanju zajedničkih ogromnih problema, kao i svim medijima koji su pratili i veoma korektno izvještavali o svemu što se dešava na terenu.



KOMADANT GRADSKOG ŠTABA CZ

Jozo Ničanđić, prof